

各位評判老師，各位同學 逐家好！今仔日，我欲講的故事是貪心的猴山仔！

佇一條美麗河邊的芎蕉樹跤，蹠一隻叫做阿雄的猴山仔、毋管啥物時陣，只要伊伸手一挽，就有芳閣大 gi2 的芎蕉通好食，毋過！阿雄伊並無滿足，目睭定定相到對面的芎蕉，看甲喙涎水 tsap4 tsap4 滴！心肝底逐天攏咧想：「唉！彼片的芎蕉一定比我遮的芎蕉較芳、較大、閣較好食，可惜看有食無干焦 gian3！」

同時，佇這條河內，蹠一隻大鱷魚，鱷魚疍想欲食猴山仔嘛已經足久矣！但是，一直攏等無機會通好下手。

有一工透早，猴山仔坐佇河邊，目睭相著對岸的芎蕉看甲憨神！憨神！鱷魚著泅倚來，「猴先生，gau5 早、你七早八早就坐佇遮咧看啥咧？」猴山仔應講：「我咧看對岸的芎蕉啊！看起來比這片的芎蕉較大、較好食呢！」這陣鱷魚歡喜佇心肝底：「嘿！嘿！嘿！機會來了！」伊就應講：「是啊！彼片的芎蕉芳閣大，是你遮的芎蕉袂當比的喔！」猴山仔應講：「我早就注意到呀！可惜袂曉泅水通過去。」即時鱷魚著假好心講：「唉呀！登到我算你有福氣啦！你坐踎我的尻脊駢，我載你過河去就著矣！」猴山連考慮著無，馬上咻！一聲！跳上鱷魚的尻脊駢，歡頭喜面向前行，鱷魚泅到河中央的時，雄雄翻一

個身，tom5！一聲！猴山仔隨跋落去水底，足緊張矣！大聲喝講：「救命啊！救命！鱷魚大兄、請趕緊來救我！」鱷魚大聲笑講：「哈！哈！哈！免叫啊啦！我真無簡單才登到這個機會，那有共夾佇喙的肉，閣擲揖搯（hin4 sank）的理由咧！」阿雄知影，後悔已經傷慢矣！「我那會遮爾仔貪心咧！分明是『請鬼拆藥單』為著仝款的芎蕉來失去生命，唉！」真是悲哀啊！仝款是芎蕉，「疍貪鑽雞籠」阿雄「目睇看佇粿、跤煞踏到火」，佇遮俸勸咱逐家，著愛會記得「知足常樂」這句話。我的故事講到遮，感謝逐家！共 697 字